



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0023962 23
Sarajevo, 22.01.2024. godine

SUD BOSNE I HERCEGOVINE
- Sudiji za prethodno saslušanje -
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

OPTUŽNICU

PROTIV:

MILIĆEVIĆ MATEA, [REDACTED]
rođenog [REDACTED] 1988. godine u Imotskom, Hrvatska, [REDACTED]
[REDACTED] državljanina BiH i Hrvatske,

što je:

dana 16.04.2023.godine, u namjeri sticanja protivpravne imovinske koristi, u Mostaru, izvršio prihvrat pet državljana Turske i to: [REDACTED]
[REDACTED], te ih smjestio u vozilo marke „BMW 5“, [REDACTED], te ista lica povezao prema državnoj granici između Bosne i Hercegovine i Hrvatske, sa namjerom da istima omogući, protivno odredbi člana 6. Protokola protiv krijumčarenja migranata, kopnenim, morskim i vazdušnim

putem, kojim se dopunjuje Konvencija UN protiv transnacionalnog organiziranog kriminala („Službeni glasnik BiH“, broj: 3/02) nezakonit prelazak sa teritorije Bosne i Hercegovine na teritorij Hrvatske, na mjestu koje nije predviđeno za prelazak državne granice, što je protivno odredbi člana 7. stav 2., Zakon o graničnoj kontroli („Službeni glasnik BiH“, broj: 53/09, 54/10 i 47/14), znajući da prevožena lica ne ispunjavaju uvjete za zakonit prelazak preko državne granice BiH prema Republici Hrvatskoj, niti ispunjavaju uvjete za zakonit ulazak u zemlje Europske Unije odnosno da u tim državama nemaju odobren boravak ili prebivalište, kako je to propisano članom 8. stav 1. Zakona o strancima („Službeni glasnik BiH“, broj: 88/15 i 24/21), nakon kojeg prelaska bi iste na drugoj strani granice, prihvatila druga osoba i vozilom ih prebacila u unutrašnjost Hrvatske, pa kada je oko 21,25 sati došao u blizinu državne granice, u mjesto Šiške, koje se nalazi u zaštitnoj zoni, isti je, ugledavši da mu se približava patrola policije, pokušao ih sve izbaciti iz vozila, u kom momentu je stigla patrola policije i sve ih privela,

dakle,

u namjeri sticanja protivpravne imovinske koristi, pokušao omogućiti prelazak pet lica, preko državne granice, koja lica nisu ispunjavala uslove za zakonit prelazak granice, sa teritorije BiH, na teritorij Republike Hrvatske, na mjestu koje nije predviđeno za zakonit prelazak državne granice,

Čime je, počinio krivično djelo „Krijumčarenje ljudi“ iz člana 189. stav 1. KZ BiH, u vezi člana 26. KZ BiH.

**TUŽILAC
TUŽILAŠTVA-TUŽITELJSTVA BiH**